



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


B 12
3

Est. A. Howell Executors, March, 1925.



Don 80. 137











OXONII DUX POETICUS,

SIVE

LATINIS VERSIBUS, HEXAMETRIS ET PENTAMETRIS,

DESCRIPTIO,

QUA

FERE PUBLICA QUÆQUE OXONII MONUMENTA

ADUMBRANTUR,

SIMUL ET VARIÆ VIRORUM ACADEMICORUM TÔGÆ,

VARIA JUVENTUTIS ACADEMICÆ PER ISIM

NAVIGANDI RATIO,

DEMUM

Quæcunque, Oxonii, five in Universitate, five in Oppido, perstringunt
Oculos Splendore, Animosque Admiratione percellunt.

AUTORE M. AUBRY,

RHETORICES PROFESSORE.

Miratur, facilesque oculos fert omnia circum
Æneas, capiturque locis, et singula lætus
Exquiriturque, auditque virum monumenta priorum.


VIRGIL. Æneid. lib. viii. ver. 310.

OXONII:

Sold by the Author, at Mr. CALCOTT's, Bookseller, Broad-street,
opposite Trinity College; by Mr. CALCOTT; and by Messrs.
FLETCHER and HANWELL, in the Turk.

[PRICE FIVE SHILLINGS.]

1795.



PRÆFATIUNCULA.

NON ego hîc longam præfationem de more præfigam. Neque enim indigere opus arbitror, si claritas illud et perspicuitas fortè commendent; illa verò inutilis ac supervacua foret, si obscuri versus et salebrofi reperiantur. Quemadmodum pictura, si benè expressa sit, rem ab Autore depictam satis per se ostendit; frustra autem ei magnifica sonoraque verba supposueris, si tabella ipsa, malis adumbrata coloribus, manca et informis horreat.

Paucissimis igitur annotatiunculis opusculum hoc illustrandum censui; cum omni studio et curâ contenderim, ut lene fluere carmen, et legentibus, Oxonii non peregrinis, obvium ac facile pateret.

Sin autem ad egregiam tot superbarum rerum magnificentiam et majestatem, versuum sublimitate verborumque elegantîâ, assurgere minimè potuerim; nihil saltem de splendidâ earum famâ detraxisse me confido.

In scribendis enim his versiculis, illud unum ego mihi proposui ut, si non placerent omnibus, nemini certè displicerent.

Nihil itaque mihi volenti excidit, quod vel delicatissimas aures (de rebus hîc, non de verbis ipsis loquor) tenerrimosque animos offendere posse existimem ; felix ! si propositum finem affecutus, meam publicorum in hâc civitate monumentorum admirationem, maximum in Oxoniensem Academiam obsequium, summam Anglicæ humanitatis et magnificentiae opinionem, æternamque benè grati animi memoriam, non indignis coloribus adumbratam, legenti cuique manifestare potuerim !

C O N T E N T S.

<i>INTRODUCTION</i>	-	-	-	-	Line 1
<i>Magdalen-Bridge</i>	-	-	-	-	21
<i>Magdalen-Tower, College, Garden, &c.</i>	-	-	-	-	27
<i>High-Street</i>	-	-	-	-	83
<i>Queen's College</i>	-	-	-	-	94
<i>University College</i>	-	-	-	-	108
<i>St. Mary's Church</i>	-	-	-	-	117
<i>All Saints Church</i>	-	-	-	-	121
<i>All Souls College, Library, Pictures, &c.</i>	-	-	-	-	127
<i>Radcliffe's Library</i>	-	-	-	-	147
<i>Brasen-nose College</i>	-	-	-	-	163
<i>Hertford College</i>	-	-	-	-	177
<i>Schools</i>	-	-	-	-	181
<i>Pomfret Marbles</i>	-	-	-	-	211
<i>Arundel Marbles</i>	-	-	-	-	223
<i>Bodleian Library</i>	-	-	-	-	243
<i>Printing House</i>	-	-	-	-	275
<i>Theatre</i>	-	-	-	-	297
<i>Musæum</i>	-	-	-	-	371
<i>The Roman Emperors' Heads</i>	-	-	-	-	373
<i>New-College, Garden, Chapel, Windows, &c.</i>	-	-	-	-	379
<i>Trinity College, Chapel, Garden, &c.</i>	-	-	-	-	578
<i>Wadham College</i>	-	-	-	-	656
<i>Exeter College</i>	-	-	-	-	667

<i>Jesus College</i>	-	-	-	-	671
<i>Lincoln College</i>	-	-	-	-	673
<i>Balliol College</i>	-	-	-	-	678
<i>St. John's College, Garden, &c.</i>	-	-	-	-	685
<i>St. Giles's Street</i>	-	-	-	-	779
<i>The Infirmary</i>	-	-	-	-	785
<i>The Observatory</i>	-	-	-	-	804
<i>Worcester College</i>	-	-	-	-	827
<i>The Castle and Prison</i>	-	-	-	-	840
<i>Town Hall</i>	-	-	-	-	849
<i>Pembroke College, Johnson's Room, &c.</i>	-	-	-	-	852
<i>Christ Church College, Squares, Hall, &c.</i>	-	-	-	-	879
<i>Oriel College, Hall, Library</i>	-	-	-	-	969
<i>Corpus Christi College</i>	-	-	-	-	969
<i>Merton College, Tower, Garden</i>	-	-	-	-	985
<i>Christ-Church Walk</i>	-	-	-	-	1001
<i>Christ-Church Meadow</i>	-	-	-	-	1009
<i>Dresses of Gownsmen</i>	-	-	-	-	1012
<i>Dresses of Noblemen, Gentlemen Commoners, and Commoners</i>	-	-	-	-	1035
<i>Ifs</i>	-	-	-	-	1076
<i>Variety of Sailing on the Ifs</i>	-	-	-	-	1083
<i>Cherwell</i>	-	-	-	-	1098
<i>Physic Garden</i>	-	-	-	-	1105
<i>The Halls</i>	-	-	-	-	1123
<i>Headington Hill</i>	-	-	-	-	1130
<i>Blenheim House</i>	-	-	-	-	1139
<i>Newnham House</i>	-	-	-	-	1144
<i>Stowe</i>	-	-	-	-	1147
<i>Roman Catholic Chapel and Picture</i>	-	-	-	-	1171
<i>Conclusion</i>	-	-	-	-	1203

OXONII DUX POETICUS.

QUICUNQUE Oxonium, reginâ ex urbe, viator,

Casuve adductus, consiliove, venis ;

Ut primùm limen tetigisti pontis, apertâ

Te celerem è rhedâ defiluisse juvet.

Lento deindè gradu pedes ire memento, superba

5

Mirari ut meliùs tot monumenta queas.

Olim, ponte illo, me matutinus agebam :

Obfuit ecce oculis advena fortè meis.

Tempus erat, quo sol nitido caput exerit ortu,

Perlongosque facit Junius esse dies.

10

Anxius hærebat, quâ primùm parte, locorum

Nescius, ille iret, dirigeretque pedes.

Accessi, fortem, ut decuit, miseratus, et illi

Ductoremque viæ me, comitemque dedi*.
 Nec, solito de more, perutile tempus, inani 15
 Verborum ritu, colloquiove terens,
 Num cernis, quàm multa uno miracula, dixi,
 Obtutu possint vel levioze rapi;
 Quàm multæ hinc atque hinc, diverso ex ordine, turres
 Emineant tectis; arboribusque super ? 20
 Nec te primùm oculo pigeat lustrare sagaci
 Artificis pontem non mediocris opus :
 Quem frustra voluit, vitii benè conscius, ille
 Esse magis latum, dignus ut urbe foret.
 Hinc autem adversam propeza convertere ad urbem 25
 Lumina, suspiciens, et meliora vide.
 Cernis, ut insigni cum majestate, quadrata
 Formosum attollit turris ad astra caput ?
 Ut teretes hanc turriculæ bis quatuor ornant ?
 Utque his turriculis aureus ardet apex ? 30

* What seems to be here a mere fiction, happened to the Author himself at Bristol, where an English Gentleman he met with in walking, and to whom he was quite unknown, had the kindness, though very old and afflicted with the gout in his feet, to conduct him through almost the whole city of Bristol, four hours together, from six to ten o'clock in the evening.

Magnificæ illa tuæ stat, *Magdala* diva, Palæstræ

Ornamentum ingens, Oxoniique decus.

Ipsâ deindè domo, non inferiora videbis,

Limina si Templi sacra subire libet.

Est in secessu longo, in penetralibus imis

35

Delubri, insolitâ picta tabella manu :

Egregium artis opus, monumentum insigne, futuris

Quo vivet sæclis laus tua, magne *Guido*.

Hanc tueare filens, fractusque dolore, tabellam,

Quâ tot acerba tulit Christus, amore tuî.

40

Aspice, uti facie pallens, exanguis, anhelans,

Dejiciensque imo lumina mœsta solo,

Vix crucis immensæ trahat intolerabile pondus,

Et genua, horrendâ mole gravata, labent.

At tantos inter quæ mansuetudo dolores !

45

Quanta animi bonitas, tota per ora, nitet !

Flagitiis hominum vel dum cadit hostia, quantus

In genus humanum fronte relucet amor*!

Prodigium hoc animo secum reputare volenti

* There is besides in St. Magdalen's Chapel, over the great door, a beautiful painted window, which was not placed, when these verses were sent to the press.

Proxima claustra patent, Cœnobiumque vetus*. 50
 Hos quondam, à trepido rerum seclusa tumultu,
 Turba virûm incoluit religioſa locos.
 Divinis feſſi ſtudiis, per vaſta ſolebant
 Atria quique animos hîc recreare ſuos.
 Ædibus antiquis ædes ſi fortè recentes 55
 Prætuleris ; mecum teſta propinqua veni.
 Quanta hæc apparent ! Majeſtas quanta ! decoræ
 Quantus honos formæ, quantus et ordo nitet !
 Non artis vano perſtringunt lumina luxu ;
 Sed pulchrâ meliùs ſimplicitate trahunt. 60
 Tanta, heu ! cur pendent opera interrupta ? Superbum
 Deeſſe ſibi hoc corpus brachia digna gemit.
 Hinc, per ponticulum, vaſtos tendamus in hortos,
 Quos luſtrare oculis advena quiſquis amat.
 Diverſis prata arboribus circumdata rivus 65
 Irriguus vitreis undiquè cingit aquis.
 Has tibi propter aquas, patulâque ſub arbore, calle
 Nunc curvo, rectâ nunc licet ire viâ.
 Aſpice, ut, arboribus ramos jungentibus, umbrâ
 Obſcurum, longo tramite, currit iter. 70

* Formerly a Convent of Monks.

Tegmine sub denso, viridi sub fornice, tutus

Rides ignivomi flammea tela Canis.

Ingenii lepidos foetus, benè cognitus, Autor

Dicitur hâc ipsâ parturiisse viâ.

Hinc vitia et pravos mores, Spectator acutus,

75

Urgebat falsis, sed sine felle, jocis.

Utque *Addisſenio* antè alias via opaca placebat,

Hæc *Addisſonii*, nunc quoque, nomen habet.

Longiùs aſt illis hortive, domûſve teneri

Illecebris animum ne patiare tuum.

80

Namque videnda tibi multa et præclara ſuperſunt,

Deſigent oculos quæ novitate tuos.

Ocurret primùm illa tibi via magna, ſuperbis

Ædibus, et ſpatio, maximus urbis honos.

Divitias oculis non protinùs explicat omnes

85

Illa, ſimul, recto limite, tota patens ;

At, flexa in mollem multò jucundiùs arcum,

Senſim expromit opes, non malè parca, ſuas.

Ut, ſi quis gemmas et rara numiſmata ſervat,

Non temerè hic properat trudere cuncta tibi ;

90

Illa ſed oſtendit paulatim, ut ſingula longùm

Obſervare queas, ordine quæque ſuo.

Perge viam, et quæ stant monumenta insignia dextrâ
 Aspice : Reginæ nobile nomen habent.
 Paucis antè annis, regali condita luxu, 95
 Regale ostentant splendida tecta genus.
 Aula duplex, circum lætissima porticus, Ædis,
 Bibliotheca ingens, hîc nova cuncta micant.
 Cernis, ut in summo tectorum culmine, ternas,
 Grande decus, statuas quælibet ala ferat ? 100
 Limina prima super, levibus decorata columnis,
 Turricula est, lepido concamerata modo.
 Fornice sub nitido, simul et Regina videtur
 Munifica, et memoris gratia iusta Domûs.
 Principe Gallorum *Luxemburgensia* ab urbē*, 105
 Translata Oxonium tecta superba putas.
 Hæc contrâ, formâ sed simpliciora modestâ,
 Alfredi magni regia dona vides.
 Oxonii hæc habuit cunabula prima Palæstra,
 Terrarum cunctis nota Palæstra locis. 110
 Quantum autem Regi præstat Regina, superbo
 Cultu exquisitæ vestis, et arte comæ ;

* A striking resemblance to the royal palace of Luxembourg, in Paris.

Matronæve gravi formosa puella, juventæ
 Lumine floridulæ, purpureisque rosis ;
 Ædibus oppositis tantùm, splendore corusco, 115
 Præstat, Reginæ nōmine dicta, Domus.
 Sed satis hæc : attolle oculos, et suspice turrim
 Sublimem, sacram, Diva Maria, tibi.
 Ut levis æthereas, ceu pyramis alta, per auras
 Erigitur, condens, ipsa sub astra, caput ! 120
 Nec procul indè astat, sacra sanctis omnibus, Ædis,
 Turre etiam meritò læta feroxque suâ.
 Hæc non audaci par majestate priori est ;
 At plùs munditiæ, plùsque nitoris habet :
 Concinnâ hæc novitate capit ; prior illa superbâ 125
 Attonitos oculos nobilitate rapit.
 Quam verò *Cunctas Animas* de nomine dicunt,
 Ah ! cave inaspectam præteriisse domum.
 Parte viæ, illa quidem præbet paucissima visu
 Digna, sed occiduâ plurima parte micant. 130
 Hic lætus Gothico geminas ex ordine turres
 Persimilesque simul, contiguasque vides.
 Hæ benè quadratam mediæ dominantur in aulam,
 Pulchraque despiciunt subdita tecta sibi.

His adversa nitens stat janua ; sed Domus intus 133
 Præcipuas gremio divite condit opes.
 Quem non delectet læto gratissima cultu,
 Plenaque selectis Bibliotheca libris ?
 Quem non percutiat templo conspecta tabella ?
 Vix geminas totâ cernis in urbe pares. 140
 Cum Peccatrici, *noli me tangere*, Christus
 Dicit, uti trepidam vultus et ora trahunt !
 Peccatum exhorret : stentem peccata benignè
 Excipit, atque animis hanc jubet esse bonis.
 Illa autem, lachrymis oculos suffusa tumentes, 145
 Et vultu et manibus, spemque fidemque probat.
 Huic vicina loco, sublimibus alta columnis,
Radcliffæa, recens condita, tecta vides.
 Hæc, plateâ in magnâ, vastâ assurgentia mole,
 Stant sola, audaci concamerata modo. 150
 Vix se se attollunt sublimiùs illa stupenda,
 Romæ, Clavigero culmina sacra Petro.
 Nec minùs interior, regali splendida luxu,
 Pars oculos, rarâ nobilitate, ferit.
 Arduus ut surgit lato-curvamine fornix ! 155
 Ut sculptura suas undiquè præbet opes !

Observa attentus duo candelabra superba,
 Qualia pauca finu divite Roma capit.
 Ast ædes, templi potiùs pars mira, videntur,
 Commoda quàm doctis Bibliotheca libris. 160
 Circùm illas, parte ex omni, nullo ordine, multa
 Diversi generis, nec sua, tecta vides.
Æreus (insolito sic dicunt nomine) *Nafus*
 Hinc stat, Pontificem lætus habere ducem*.
 Apparet mediâ, visu lacrymabile ! in aulâ, 165
 Humanâ cædes prima patrata manu.
 Invidiâ demens, rabido fremit ore Cainus,
 Et fratrem immani cum feritate necat.
 Sanguinea hoc totum fluxêre è fonte per orbem
 Flumina, queis, heu ! nunc ebria terra natat. 170
 Verùm à cæde, oculos citus ad spectacula verte
 Læta magis ; Musis et sacra tecta subi.
 Cerne hanc antiquam, sublimi vertice, turrim,
 Quæ quondam Astronomis ædificata fuit :
 Astat nunc eadem, ceu propugnacula, contrâ 175
 Barbariem et Sophiæ subdola tela novæ.

* Dr. William Cleaver, the present Bishop of Chester, Principal of Brasenose.

Illi adversa, latet Sedes *Hertfordia*, clarum
 Gymnasii nomen nuper adepta Domus ;
 Quam positisque novam exuviis, nitidamque juventâ,
 Mox surrecturam nuncia Fama canit. 180
 Verùm oculos adverte Scholis : prisca illa vetustas
 Doctrinam longùm hîc jura dedisse probat.
 Quas plures cernis super ardua tecta coronas,
 Quænam mens totâ regnet in urbe, docent :
 Præbent, quàm placeat, certâ sub lege, potestas 185
 Regia ; quanto omnes Regis amore flagrent.
 Vastâ hîc Ars omnis præclara docetur in aulâ ;
 Doctrinam sedes et sua quamque manet.
 Hic cathedrâ ex altâ, doctissima turba, magistri
 Ingenii effundunt fertilioris opes : 190
 Dum sanæ, pendens doctoris ab ore, juvenus
 Doctrinæ dites impigra potat aquas.
 Hic res divinas, fideique oracula pandit ;
 Ille, mali quæ sit forma, bonique, docet ;
 Alter quæ rerum causæ, quis fontibus ortus, 195
 Quis pluviis, æstûs quæ sit origo maris ;
 Quid quatiat terras, atro cur Vesuvius ore
 Flammarumque globos, vasta que saxa vomat.

Alter, Libertas quo stet fundamine, Gentis

Quæ leges, quæ sint publica Jura, legit. 200

Æquâ alius pendit Monumenta recentia librâ *

Sedulus, atque oculis objicit illa tuis ;

Dumque Virum pingit, si quandò occurrat, honestum,

Effigiem pingit, nescius ipse, suam.

Tuque tuum Vatem, tua qui miracula certo 205

Explicit ore sagax, Diva Poësis, habes.

Quin et, dulcifono cantûs modulamine, lætas

Demulcere aures Musica blanda solet.

Proxima sed Logices Schola nos invitat, utrique

Ultrò thesauros exhibitura suos. 210

Pomfretiana suo celeberrima Marmora celat,

Spirantes Statuas, Signaque viva finu.

Cernis, uti Cicero, meditatus fulmina vocis,

Grandiloquo indignans ore tonare parat ?

Græcus ut Orator, quæ sentit pectore, dextrâ 215

Monstrat, et eloquio corda potente rapit ?

Ut somno fessus dat mollia membra Cupido,

Cum Pueroque malo tela quieta jacent ?

* The Rev. Dr. Nowell, Principal of St. Mary Hall, and Professor of Modern History ; a gentleman well known for his learning, mildness, polite manners, and exact probity.

Quam puer idem olim radicibus eruit imis,
 Heu ! miseræ Trojæ rudera mœsta vides. 220
 Non tot Signorum percurram nomina, quæ tu
 Vix uno hîc possis cernere cuncta die.
 Ergo ea, quæ dicuntur *Arundeliana*, petamus
 Marmora, vicino multa reposita loco.
 Hæc, aut falforum præbent simulacra Deorum, 225
 Quæ nimis, heu ! Veterum pectora cæca probant ;
 Numinibusve istis erecta altaria, Vasa
 Omnigena ostentant, magnanimosque Viros,
 Pleraque vel Græcè, vel sunt inscripta Latinè,
 Teque hujus Mundi tempora prisca docent. 230
 Hoc autem imprimis, è multo fragmine constans,
 Antiquum attentò lumine marmor obi.
 Quotquot Athenæis Reges in mœnibus olim,
 A Cecrope ad Codrum, sceptrâ tulère manu,
 Horum res gestas, diversaque nomina, Graiâ 235
 Tu Linguâ, pario hoc marmore, scripta legis.
 Vendidit has, auri tenui pro pondere, gemmas
 Turpis Avarities, Barbariesve rudis ;
 Aut, dites fodiens, Argiva per arva, ruinas,
 Detexit solers, surripuitque manus. 240

Cuncta hæc si cupias cognoscere Marmora, magnâ

Compositus curâ, continet illa Liber.

Hunc, nos quam petimus, tibi *Bodleiana* volenti

Offeret inter opes Bibliotheca suas.

Vix etenim, Famâ paulò celebratius, ullum est; 245

Quod non illa, sinu divite, servet opus.

Illi ingens pretiumque simul, numerusque librorum

Egregium toto nomen in Orbe dedit.

Fama manu-scriptis sed major; ut illa secundum,

Hâc ex parte, queat fortè tenere locum. 250

Hanc igitur mecum fubeas; atque inspicere quidquid

Ætas ingenii prisca, recensque tulit.

Hic sunt, à primâ quos vidit origine Mundus,

Doctrinâ insignes, ingenioque viri.

Fortis Alexandri, Augusti, magnique Leonis 255

Sæcla, tot æternis inclyta sæcla viris,

Cum sæclis, pulchrâs quæ dein fulsere per Artes,

Cum sæclo, *Lodoix*, hic cœlere tuo.

Ne mirere igitur, si *Bodleiana* per omnes

Tam benè nota audit Bibliotheca plagas. 260

Disciplinæ omnis fontes hic jugibus undis

Immensam possunt exfatiare sitim.

Ne verò imprudens cuivis confide fluento :

Selige, et objectas ebibe cautus aquas.

Nam latices inter puros, limphasque salubres, 265

Sæpè, heu ! cum nocuo labitur unda luto ;

Floridulâ interdum ut serpens lethalis in herbâ,

Utque, rosas inter, spina maligna latet.

Jam nunc, ingenti conspectâ hâc mole librorum,

An tibi discendi pectore crevit amor ? 270

Nam (dixisse pudet) mihi desperatio mentem,

Cum video ingenii tot monumenta, subit.

Librorum ecquis enim tot millia nomine noscat,

Vel si Nestoreos duret et ipse dies ?

Sed, librorum à fede, illas pergamus ad Ædes, 275

In quibus, arte novâ, nascitur ipse liber.

Sunt hæc digna quidem illustri cunabula foetu,

Cujus Natalem sæcla futura canant ;

Nec rarò soboles, tanti non degener ortus,

Profiluit, cujus Fama perennis erit ; 280

Cunis nobilibus sed multa informis in ipsis

Progenies, fato præcoce rapta, perit.

Quidquid id est, pulchrâ antè oculos surgentia formâ,

Cerne, precor, miris tecta sacrata Typis.

Bis ter magnificis quàm stant benè fulta columnis ! 285

Si paulò levior quæque columna foret.

Quàm benè culminibus sculptæ præstantiùs octo

Excubias statuæ, militis instar, agunt !

Non libet ire intrò ; nam, longo à tempore, nosti,

Quâ novus in lucem prodeat arte liber. 290

Tu scis, ut simplex sententia, voxque colorem

Et corpus, celerì dexteritate, trahant ;

Ut volucresque sonos, fugitivaque verba tenaces

Constringant, veluti vincula firma, Typi ;

Et, dum sub prælo liber ingemit, ut gravis ipsum 295

Autoris pectus sollicitudo premat.

Ergo verte oculos in proxima tecta : Theatri

Ecce tibi se se nobile præbet opus.

Pars nitet anterior, bis senis clara columnis ;

Ternaque, fronte super, vasa corusca vides. 300

Turriculæ species supereminet ; atque coronam

Unam obit innumerus Pontificalis apex :

Tantus Regalis sub corde exæstuat omni

Imperii et patriæ Relligionis amor !

At Domus interior, visu mirabilis, omnes 305

Artis Apellæ splendida pandit opes.

Muri circuitus, laquearia, denique tota
 Artifici fulgent atria picta manu.
 Hic Disciplinæ, cum doctis Artibus, omnes
 Expressæ, proprio quæque colore, nitent. 310
 Has erumpentes, media inter nubila, Cœli
 Huc ex Æthereâ sede volasse putas.
 Omne fugat Vitium Virtus, trepidumque repentè
 In tenebris cogit condere turpe caput.
 Palladis aspectu, gelidâ formidine pallet 315
 Invidia, et casu præpete lapsa ruit.
 Quodlibet egregium rudis Ignorantia frustra
 Infanis salibus spargere tentat opus ;
 Concutit indignans virgam Caducifer : ista,
 Vi magicâ torpens, obstupefacta filet. 320
 Dentibus infrendens, et vultu torva feroci,
 Barbaries, fuso tinctâ cruore, madet :
 Irâ oculi ardescunt : armatur dextera sicâ
 Sanguineâ : ardentem lampada læva quatit ;
 At, dum Doctrinæ intentat furiosa ruinam, 325
 Frangitur Herculeis ira repressa minis.
 Non hîc exercet, multis ut sæpe Theatris
 Accidit, imperium prava Libido suum.

Hinc Venus, et Veneris metuendus Natus, et omnis

Rifus turpis abest, indecorisque Jocus. 330

Non hinc lascivis resonant concentibus Ædes ;

Non auris fœdo carmine læsa dolet ;

Casti sed innocuas blando modulamine mentes

Delinit cætu Musica digna pio ;

Oratorve potens, alter ceu Tullius, omnes 335

Facundo ore animos, eloquioque tenet ;

Aut, faciles fundens è venâ divite versus,

Phœbeus Vates pectora cuncta rapit.

Namque hinc solemnes, spectacula grandia, cætus

Oxonienfis habet clara Palæstra suos. 340

Hinc decus omne suum, majestatemque superbam

Explicat ; et pompâ, quanta sit illa, stupes.

Hinc ille excipitur, magnâ plaudente coronâ,

Quem sibi conspicuum feligit ipsa Ducem.

Eminet hinc princeps, regni quem tota Ministrum* 345

Anglica Gens meritò gestit habere novum.

* His Grace the Duke of Portland, elected Chancellor of the University of Oxford, in the year 1793, and nominated Secretary of State, very soon after.

Nec laus parva tibi est, sapiens Academia, Regis

Prævidisse animum, judiciumque tui.

Illo absente, prior Vice-Cancellarius altâ

Sede micat, tanti Duxque caputque Chori. 350

Illius antè pedes, Romani Consulis olim

Grande decus, Fasces ritè jacere solent.

Tum dextrâ lævâque, Manus lectissima, docti

Doctores circùm, Nobilitasque sedent :

Ordine pro vario, diversicoloribus illi, 355

Aureis hi fulgent, purpureisque togis.

Artibus egregiis, pullâ cum veste, Magistri

Deinde adfunt, solers atque perita Cohors.

Tùm, pariter sub veste nigrâ, numerosa Juventus

Apparet, Patriæ spes benè certa suæ. 360

Denique selecti sua fixa sedilia cives,

Tanti pars cœtus non mediocris, habent.

Conjuge cum tenerâ conjux, cum matre puella,

Cultu magnifico conspicienda, venit ;

Ut, seu Doctrinam spectes, pompamve superbam, 365

Vix re unquam possis splendidiore frui.

Longiùs at forsân me detinuère Theatri

Illecebræ, oblitum, quàm celer hora ruat.

Festinabo igitur; nec te ampliùs indè morabor;
 Multaque, conspectu digna, tacebo dolens. 370
Musæi ergo bonam properanti lumine frontem,
 Quamvis sint intùs plurima rara, vide.
 Si, quorum fuerint capita ista horrenda, requiras,
 Quæ præter latam stant numerosa viam;
 Cæsareos totidem vultus, truncataque signa, 375
 Haud veri semper nuncia, Fama refert;
 Terricula at pueris ego credo erecta protervis,
 Ne nocuâ hi lædant proxima tecta manu.
 Lingue ergo hæc, celeresque *Nuvi* properemus ad *Ædes*
Gymnasi: ducit non via digna Domum. 380
 At latet hæc, miserâ ceu pyxide condita gemma,
 Ut fulgore oculis splendidiore micet.
 Aulæ sunt geminæ: prior est spatiosior, atque
 Jucundo, ut cernis, graminis orbe viret.
 In Senium incipiunt obeuntia vergere tecta: 385
 Occupat, heu! ipsas prompta senecta domos.
 Altera, parva magis, circumdatur ædibus aula,
 Quæ similes, simili nobilitate, placent.
 Hinc potes eximios circum tua ferre per hortos
 Lumina, et aspectu ruris, in urbe, frui. 390

Arboribus patulis duplex via confita, opacas
 Sub ramorum umbras, frigora amœna vocat.
 Extremo, artis opus, viridis mons surgit in horto.
 Quàm benè Parnaffi culmina docta refert !
 Cur autem hinc nequeo nitidissima cernere tecta*, 395
 Quin tumidis oculis lachryma multa fluat ?
 Ah ! mihi *Versalias* nimis illa referre videntur,
 Quâ Regis miseri limina parte subis :
 Sontes *Versalias*, quæ primæ incendia sæva
 Accendère, quibus Gallia adusta perit ! 400
 Ergo hinc aufugio præceps, si fortè sacello
 Tristitiam possim pellere corde meam.
 Hic oculos aperi attentos : tu conspicias Ædem,
 Quâ vix, in Regno hoc, fulgeat ulla magis.
 Qualis majestas ! audacia quanta ! Gothorum 405
 Ut veterum ostentant omnia grande genus !
 Nonne impressa probat reverentia, quàm benè sacrum
 Caligo hæc deceat religiosa locum ?
 Singula sed lustrare juvet : pergamus ad aram,
 Quam decorat dives marmoreusque lapis. 410

* There is a great likeness between the second quadrangle of New College, when seen from the Garden, and the entrance of the Royal Palace, at Versailles, from Paris.

At niveo inprimis ductos è marmore vultus,

Qui suprà affulgent, intusare, velim.

Cernis, ut insignis facie et splendentibus alis,

Æthereâ Gabriel missus ab arce, micat ?

Erigit hic lævum ad cœlestia tecta lacertum ;

415

Pacalis dextrâ fulget oliva manu.

Virginea indè oculos convertit in ora modestos,

Prociduoque genu grandia jussa refert.

Vocibus attentas aures advertit, at ipsum

Inspicere Aligerum Virgo pudica timet.

420

Eminet in toto præclara modestia vultu,

Et mixto obsequitur casta puella metu.

Nunc cerne, ut tenerum, mater studiosa, puellum

Luminibusque vorat, blandaque corde fovet.

Dum pronus, mentumque manu subnixus, Ioseph

425

In sanctam sobolem lumina figit hians.

Parte aliâ, Christi Corpus venerabile, raptum

Vix cruce, pallefcens, exanimumque vides.

Vir pius extincti Domini caput inclinatum

Conatur tremulâ sustinuisse manu.

430

Virgo autem, manibus junctis, exangue cadaver

Prospicit, ingenti quassa dolore Parens.

Tùm fracto victor tumulo redivivus ad auras
 Emicat, et, domitâ Morte, triumphat ovans.
 Corpora custodum, Christo exiliente, duorum 435
 Hinc atque hinc, gelido strata pavore, jacent :
 Appositâ hic condit trepidantia lumina dextrâ
 Averfus : Christum respicit ille stupens.
 Erectis demùm ad cœlestia sydera palmis,
 Æthereas scandit, Patris amore, Domos. 440
 Scandentem, manibus junctis, et poplite flexo,
 Discipuli certant lumine quisque sequi.
 Præcipua hæc Fidei miracula maxima nostræ
 Phidiacâ dicas sculptri fuisse manu.
 Juxtâ aram latitat monumentum insigne, per annos 445
 Servatum multos, Pontificale pedum.
 Ingens esse vides argenti pondus et auri :
 Materiam verò quàm superavit opus !
 Nunc autem, nunc verte oculos ad limina Templi,
 Atque, stupenda magis, cernere multa para. 450
 Organa per distincta tubis radiantibus, ecce
 Sublucet miro picta fenestra modo.
 Ipsa sed ascensu superes, precor, *organa* mecum,
 Aspectu possis ut meliore frui.

- Intentis observa oculis, quæ plurima fulget 455
 Expressa in fragili mira tabella vitro.
 Quas verò egregiæ pars objicit ima fenestræ,
 Virtutes avido lumine, quæso, vora.
 Sunt septem numero, quarum quæque arte magistrâ
 Pingitur, et rarum splendida præbet opus. 460
 En, dextrâ, prior apparet Prudentia, formâ
 Insigni, et niveâ conspicienda togâ :
 In speculo mores et facta aliena tuetur,
 Vitam ut componat certiùs ipsa suam.
 Tum lævâ, Serpens jaculo circumdatur : esto 465
 Consilio hinc lentus ; cumque agis, esto celer.
 Justitia hanc sequitur, roseo in velamine: nudum
 Firma ensem, inversâ cuspide, dextra tenet :
 Altiùs æquatam sustollit læva bilancem,
 Quâ librat certo pondera quæque modo. 470
 Fronti umbram manus obducit sublata ; suæque
 Indè jugum trutinæ clariùs illa videt.
 Proxima deindè venit, nitido Spes candida vultu,
 Cumque oculis geminas tollit ad astra manus.
 Anchora firma jacet juxtâ ; dum, vix pede tangens 475
 Illa solum, votis regna superna petit.

Conspicitur serie in mediâ, blandissima Virtus
 Quam Latia hoc dici carmine Lingua negat.
 Hæc amat humanam, nullo discrimine, Gentem ;
 Maternoque hominem pectore quemque gerit. 480
 Turgentem nummis secum fert sæpè crumenam*,
 Auxilio ut miseris prompta volare queat.
 Hanc circùm, puerosque vides, teneramque puellam,
 Indole quos varios curat amore pari.
 Sed jam, præcipuo radians fulgore, videtur 485
 Attraxisse oculos quinta figura tuos.
 Hæres obtutu tacito, lætusque sacratam
 Exultas meritâ fulgere luce Fidem.
 Sublatis ut cælo oculis dextrâque, supernas
 Undè exorta venit, suspicit illa Domos ! 490
 Nititur ut pedibus geminis immota, salubrem
 .. Altiùs extollens, quam gerit usquè, Crucem !
 Huic Virtus vicina, togâ stat splendida flavâ,
 Cristatâ intrepidum casside tecta caput :
 Truncatam digito tangit vix illa columnam, 495
 Et cubat antè pedes, horridus ore, Leo.

* La Charité la suit, une bourse à la main. BOILEAU.

Per validum corpus cum robore juncta virili

Gratia foeminea est, foemineumque decus.

Denique Sobrietas extrema occurrit : amictam

Hanc nivei lini simplice veste vides. 500

Dextrâ eadem cratera tenens, è vase nitenti,

In modica illimes pocula fundit aquas.

Hanc propè, fræna jacent quibus utitur illa, Libido

Si qua ausit justum transiluisse modum.

Non eadem facies est omnibus ; et tamen omnes 505

Germanas ferè par forma, pudorque probat.

Has vitæ quicunque duces elagerit, ille

Lætus aget puros, et sine nube dies.

At nova sunt miranda tibi : sursum aspice : rursus

Luminibus cernes plurima grata tuis. 510

Nonne vides humili Christum in præsepe jacentem,

Quem circum Aligerum sancta Caterva fremit ?

Hunc puer (ut puerum est jam tum studiosus) ocellis

Figit amans : roseo risus in ore sedet :

Parvâ illum palpatque manu, mulcetque, benigno 515

Subtimidum nutu, blanditiisque trabens ;

Utque omnes jam corde fovet, sic ille videtur

Omnes brachiolis velle tenere suis.

Intereà, expansis manibus, castissima mater
 Ludentem in puerum lumina fixa tenet. 520
 Hanc contra, conjux sanctissimus astat Ioseph,
 Ostentans cunas, si quis adire velit.
 Præcipuè monstrare oculis digitoque puellum
 Cælestem, tacito pectore lætus, amat.
 Vix introducti, circùm cunabula cingunt 525
 Flexo Pastores, æmula turba, genu.
 Hi sobolem in divinam avidissima mirabundi
 Lumina conjiciunt, nec satiari valent.
 Post, alii properant face cum rutilante: puella
 Monstrat sollicitis obsequiosa viam. 530
 Deniquè præcipiti juvenis procul impete Pastor
 Accelerat: sudor, rubra per ora, fluit.
 Sub lævo aut baculus, ceu pondus inane, lacerto,
 Aut, ovium terror, pendet agreste pedum.
 Dextro humero, in tumidâ fert rustica munera perâ: 535
 Supposita auxilio dextra benigna venit.
 Cernis, uti, flavâ egregius cervice, recurrit
 Ad dominum pernix, sollicitusque Canis?
 Huic exerta micat, roseo rubicunda colore,
 Lingua; atque ex oculis vivida flamma salit. 540

Nonne, pedem referens, lenti nimis ille videtur

Acer heri tardas increpitare moras ?

Nunc oculos iterum partem vertamus ad illam,

Quâ Virgo tantâ pingitur arte Parens.

Ponè, vides ? summum ut vel bruta animalia Numen 545

Ipsa, sibi quâ fas, Bosque Afinusque colunt !

Cernuus ille caput profert largum, atque Puelli

In cunas oculis grandibus hæret hians :

Hic astans, timidusque obliquo lumine tentat,

Cernere si Dominum possit et ipse solum. 550

Post utrumque, duo Christi ad cunabula sancta

Pastores, gressu præcipitante, ruunt :

Hi simul egregiam, si vera est fama, fenestram

Quondam pinxerunt, effigiesque suas ;

Quemque manu, ingenioque olim expressere sagaces, 555

Nunc cunis Christum corpore, mente colunt.

Tum Juvenem solum, vernahti ætate nitentem,

Et croceâ indutum veste, sedere vides.

Cernis ut attonito similis, similisque stupenti,

Tollit ad æthereum lumina fixa Polum ? 560

Hæc demum supra, mediis in nubibus, Ales

Cælestis, pulchro fulgidus ore, micat.

Nititur hic mentum dextrâ, sedesque supernas

Suspiciens, secum plurima mente putat.

Tæniola, haud procul hinc, volitat per inania : in illâ 565

Inscripta hæc Græcè paucula verba legis.

Quæ tu patrata hic misteria conspicias alta,

Scrutari Aligerum percipit ipse Chorus.

Humani ingenii nunc cum miracula tanta

Vidisti, tibi quis pectore sensus inest ?

570

Ingens attonitam nonne admiratio mentem

Occupat, et rerum sæpè recurſat honos ?

Ædes nulla alia hæc tantum celebratur in Urbe :

Nulla suo abscondit tot monumenta sinu.

Verum, ut post epulas et lautæ regia mensæ

575

Fercula, frugalis mensa, cibusque placet ;

Sic, hujus post pompam Ædis, placet illa facelli

Simplex, *Sancta Trias*, forma, nitorque tui.

Nos illam ergo Domum (non est via longa) petamus :

Æratum, primo limine, ridet opus.

580

Area ad oppositam viridanti gramine ducit

Ædiculam : hæc nobis obdit amœna latus.

Egregias quatuor staturas, in vertice summo

Astantes, humilis truncaque turris habet.

Per tecti culmen, longo circum ordine fulgent 585
 Vasa antiqua, quibus flamma corusca salit.
 Ast ipsam subeas Ædem : lepidissima nonne
 Allicit aspectu lumina læta suo ?
 Cernis uti robur summâ cælaverit arte,
 Et lapides ipfos ingeniosa manus ? 590
 Divitias Cedrus hîc deprompsit odora : columnis
 Altare hîc Cedrinis, vestibulumque nitent.
 Cingitur eximiâ muri pars alta coronâ :
 Picturâ et radians te laqueare juvat.
 Aspice uti, cum Christus adit sublimis Olympum, 595
 Hunc obit Aligerûm prona verensque Cohors.
 Nonne tibi antè alios placet ille puellulus omnes,
 Qui, supero volitans aëre, solus adest ?
 Ut viridem ille manu ramum prætendit utrâque !
 Ut reduci Christo lætus ovanque præit ! 600
 Verùm, altare super, raram intueare tabellam :
 Infolitum hæc oculis exhibet artis opus.
 Objicibus ruptis, et fractâ mole sepulchri,
 Lucem iterùm, rutilo corpore, Christus adit.
 Transfixis pedibus, lateri, manibusque verendis 605
 Impressa, effuso sanguine, signa rubent.

Defluit huic, lævâ, niveum velamen ad imos

Usquè pedes, zephyris ceu data præda, volans :

Longa latus dextrum, glaucosque imbuta colores,

Per vacuum ludens aëra, vestis obit.

610

Lævus dependet, plenusque vigore lacertus :

Dexter ad oppositum tenditur Aligerum.

Hic visu stupet attonitus, flectitque decora

Cum cervice retrò colla : stetère comæ.

At nitido potiùs tamen admiratio vultu

615

Eminet, atque oculis gaudia læta micant,

Quàm gelido pectus trepidare timore videtur ;

Namque rubet roseis purpura multa genis.

Expansis Juvenis fulget cudentibus alis,

Indutus viridi veste rubràque simul.

620

Dextrâ super roseos olli dependet amictus :

Tollitur æthereo palma sinistra Polo.

Ad lucem superam reducis, post funera, Christi

Vultum oculis lustrat, corpus et omne, suis.

Amborum pedibus, tumuli sub mole, Satelles

625

Obrutus avulsâ, ruderibusque jacet.

Pronus humi, faxisque occulto corpore, tantùm

Turpe caput præbet, turpiaque ora tibi.

Nititur, obliquo reflexus lumine, casus

Si causam possit noscere fortè sui.

630

Hanc verò tabulam quis Zeuxis pinxerit, et quâ*

Doctâ efficta manu fulgeat illa, rogas.

Hos vultus, oculos, hæc viva coloribus ora

Sedula solerti Fœmina fecit acu.

Egregiam, undè hæc est imitando expressa, tabellam; 635

Windsoræ, sacrâ cernere in æde licet;

Windsoræ, quam regum habitat Rex optimus, omnis

Iustus amor Populi, deliciæque sui.

Dum verò tabulæ illius, Regisque verendi

Conspectu nostrum possit uterque frui,

640

Inceptum pergamus iter; mecumque propinqui

Protinus hinc horti mira vireta petas.

Introitum prohibet clathrorum ferreus ordo;

Parte adversâ abitum ferrea claustra vetant.

Cerne, soli quantum latitet sub gramine: terram 645

Instratam viridi penè tapete putes.

Imprimis muros virides, viridesque columnas

Aspice, quæ, circum larga vireta, nitent.

* This picture is a wonderful piece of needle work, copied from the beautiful picture in the King's chapel, at Windsor.

Conversum credas in saxa virentia gramen,
 Quo structa artifici tecta fuere manu. 650
 Sol ardet ? patulas Tiliæ subeuntibus umbras,
 Curvatæ in morem fornicis, ecce dabunt.
 Sunt variis etiam arbutis loca confita, musis
 Grata loca Aoniis, Thyrsigeroque Deo.
 Suffulta hinc geminis per ferrea claustra columnis, 655
 Proxima *Wadhami* cernere tecta vales.
 Felix Gymnasium ! quod habere exultat eundem,
 Quem nunc Oxonii tota Palæstra, Ducem* :
 Quo Duce non alius spectatior indole miti,
 Virtute, urbanis moribus esse potest. 660
 Illas te doleo non posse attentius Ædes
 Cernere nunc, tibi nec temporis esse satis.
 Nam gressu celeri ruet umbrifer Hesperus ; atque
 Hoc nobis superant multa videnda die.
 Ergo, hinc egressi, rapido lustremus euntes 665
 Lumine, in oppositâ publica tecta viâ.
 Cernis, uti lævâ Sedes *Exonia* surgens
 Arridet frontis nobilitate suæ ?

* The Rev. Dr. John Wills, Warden of Wadham College, and
 Vice-Chancellor of the University of Oxford, in the year 1794.

Eheu ! conspicuam glacies cur aspera formam
 Læsit ? cur teneram ruga inimica cutem ? 670
 Ædes oppositæ, dictæ de nomine, *Jesus*,
 Laudes usque canent, *Elizabetha*, tuas.
 Nec procul indè astat, Domus ô *Lincolnia*, famâ
 Quàm tectis meliùs nota Palæstra tuis !
 Eximæ tamen in nitidâ sunt Æde fenestræ, 675
 Quas pinxit solers atque perita manus.
 Vicinas *Santæ Triadi* quas conspicias Ædes,
 Illas, Gymnasium *Balliolense* vocant.
 Hanc benè commendat, tectorum haud pompa caduca,
 Sed clari generis laus diuturna, Domum. 680
 Ortum namque dedit Gens inclyta, *Scotia* quondam
 Quam folio vidit læta federe suo.
 Surgere tecta tamen nova, nec mediocria cernis,
 Et latæ extremâ parte nitere viæ.
 Hæc lege tu ; et Divi penetralia ad alta *Joannis*, 685
 Haud mora, te patulo limite dextra feret.
 Prospicis annosas ramis ingentibus ulmos,
 Queis, æstus contrà, densior umbra datur ?
 Illæ, cum nimiis ardet fervoribus ær,
 Defendunt patulâ limina prima comâ. 690

Antiquam observa super ostia summa figuram :

Insignem factis exprimit illa Virum*.

Hic ille est toto *Bernardus* cognitus orbe,

Quo concussa Asiæ terra tremore fuit.

Hic olim eloquio Gallos, totamque sequentem

695

Europam, sumptâ traxit ad arma Cruce.

O si nunc Asiam redivivus ad arma ciere,

Contra ipsos Gallos, voce tonante, queat !

Si vibrare suæ victricia fulmina linguæ

In Gentem valeat, quæ sacra quæque terit ;

700

Innocui Regis quæ sanguine tincta cruentas

In cunctos Reges jactitat ore minas ;

Quæ, quanto exarsit quondam Pietatis amore,

Tantâ nunc demens Impietate fuit ;

Quæ, Fidei everfis altaribus, audet in ipsum

705

Intorquere ferox tela nefanda Deum !

Seu potius blandâ Orator dulcedine possit,

Ah ! utinam Populi flectere corda feri !

Ah ! rursus patriæque hominumque accendat amorem

Mutatis animis, obsequiumque Dei !

710

* Over the gate of St. John's College, stands an old statue of St. Bernard, the famous preacher of the Crusades.

Intereà, tibi si libeat, subeamus apertæ

Lustremusque oculis interiora Domûs.

Sunt aulæ geminæ: prior est jam antiqua: secundæ,

Ad normam exacta magis, forma nitore placet.

Porticus huic duplex, levibus quæ grata columnis, 715

Utilis est, fusâ si cadat imber aquâ.

Prætereà nitidâ hâc longa atria cernis in aulâ*,

Quorum perpetuus ritè vigebit honos.

Illîc non paucos Rex quondam invenit amicos,

Magnificas epulas, hospitiumque Miser. 720

Illîc exceptus, res est solatus acerbis,

In folio titubans *Carolus* ille suo.

Infelix! necuit quem dissimulata nefandi

Ambitio, falsâ sub pietate, Viri.

Nunc etiam illius fatumque necemque cruentam 725

Sanguineis lachrymis Anglia tota gemit.

O felix nimium Princeps! dum vita manebat,

Anglica dum licuit sceptrâ tenere manu;

Oppida si fuerint quæque hanc imitata tenacem,

Oxonium tibi quam præbuit usquè, Fidem: 730

* There is a long gallery towards the garden, in which the unfortunate Charles the First was entertained, when he held his faithful Parliament, in Oxford.

Oxonium, columen Solii insuperabile : semper

Regibus Oxonium fida Palæstra suis.

Sed lepidum subiisse flagras, quem conspicis, hortum ;

Hæc totâ nullus ridet in Urbe magis.

Ars hîc et Natura simul, certamine pulchro, 735

Divitias omnes explicuere suas.

Non ampli locus est spatii, immensusque videtur.

Decipit Ars oculos ingeniosa tuos.

Quâ parte incipiam, mens fluctuat : obvia primum

Ista tibi, credo, læta vireta placent. 740

Cespitis irrigui quanta area vernat honore !

Quàm sunt hæc oculis gramina amica meis !

Pubentem à furiis Boreæ glacialibus herbam

Hæc benè Castaneæ, corpora vasta, tegunt.

Sub patulis ramorum umbris, proh ! quanta voluptas 745

Sedisse, aut lentum ferre, referre gradum !

Vel, tibi si major placeat secessus, opacas

Spelunca in latebras te numerosa vocat.

Illic aut placidæ dono indulgere Quietis,

Aut Baccho, aut studiis, colloquiove licet. 705

Mavisne egregios hînc indè errare per hortos ?

Omnia plena viis, tramitibusque vides.

Illæ te recto deducunt limite, gyros

Hi per multiplices, innumerofque finus.

Sed quamcunque viam, callem quemcunque fequaris, 755

Pulvis, ubique jacens, aureus ornat iter.

Nec multa areola, arbufto decorata virenti,

Aut vario florum picta colore, deeft.

Hic Tulipæ florent, Jafminum, lutea Caltha,

Albaque purpureis Lilia mixta Rofis. 760

Quin et * Ruscum horrens multos habet arte colores;

Cumque gelu languent cætera, ridet idem.

Cerne fed inprimis † *Laburna* hæc, hafque ‡ *Syringas*,

Horti ingens, cum funt tam benè juncta, decus.

Floribus ex illis diverficoloribus, omni 765

Quantus honos horto, gratia quanta venit !

Auricomas oculis præbent curvata corollas

Laburna, et rutilo pendula flore micant :

Cærulea extollit benè olentia ferta *Syringa*,

Et fuavi nares mulcet odore tuas. 770

Sed non finis erit, florum fi nomina quæque,

Aut arbuftorum dinumerare velim.

* The Hollyoak.

† The Laburnum.

‡ The Lilach.

Sint igitur satis hæc : quænam, his Regionibus, horti

Sit natura, genus, forma, decusque patet.

Hortensi Arte alias si vicerit Anglia Gentes, 775

Moribus humanis non minus illa præit.

Quæ tibi res jam jam fiet manifesta videnti

Ægris erectæ commoda tecta Domus.

Arboreos autem foetus hos aspice eundo*,

Qui crescunt magnæ parte ab utrâque viæ. 780

Ordine sic nitido positis circumdare Galli

Fœtibus arboreis oppida magna solent.

Illic, primæ Urbis vastissima mœnia circum,

Ulmorum quadruplex læta corona viret.

Ast ægrorum Ædes jam nos devenimus : illas. 785

Ditis nonne putes limina celsa Viri ?

Privatis domibus simplex, Gens Anglica sumptu

Condere magnifico publicæ tecta solet.

Horum quàm facies oculis se nobilis offert !

Quantum eadem solidâ simplicitate juvant ! 790

Nam morbis semper cum Gens humana laboret,

Ægrorum solidas convenit esse Domos.

* There is some likeness between St. Giles's Street, and the French Bulwarks at Paris, and several other cities.

Interiore autem plùs delectabere partè ;

Namque homines, homo tu, pectore, credo, foves.

Hic, morborum ingens terror, materque Salutis, 795

Mundities totâ dat sua jura Domo.

Cernis, uti fitus omnis abest, utque atria longa,

Lecti, vasa, cibi, denique cuncta nitent ?

Ut benè Chirurgusque sagax, Medicusque peritus

Ægrotos certant arte levare suâ ? 800

Vix melius teneros, dulcissima pignora, natos

Curet, sollicito plenus amore, pater.

Has Ædes morbo afflictis qui condidit, ident

Sumptibus extruxit proxima tectâ suis.

Aspice uti surgit sublimi vertice turris, 805

Undè per immensos lumina volvis agros :

Impositum ut duplex humeris ingentibus Orbem

Sustinet, et tantâ mole fatiscit Atlas.

Ædis Athenææ ut circâ fastigia, Venti

Bis quatuor, circum culmina celsa, volant. 810

Illâ turre super, famâ vir cognitus, omnes*

Stellarum motus, circuitusque notat.

* The Rev. Dr. Hornsby, Professor of Astronomy.

Sæpè adhibet longum hoc, quod conspicias, instrumentum,

Miro res augens, amplificansque modo.

Hujus ope, audaci confurgit ad astra volatu, 815

Lustratque æthereas, ceu sua regna, plagas ;

Vel potiùs Cœlo descendere sydera cogit,

Et prompta antè oculos singula adesse jubet.

Insuper ipsa Domus, dextro vel manca lacerto,

Per se, perque horti larga vireta, placet. 820

Fortè, tuo tecum tacitus sub pectore, tanto

Supponi capiti tantula membra, doles.

Tecta etiam, credo, malles sic condita, latæ

Ut frontem objicerent, non latus, illa viæ.

Quid verò his liceat sine labe offendere terris ? 825

Num vitio sine sunt optima quæque suo ?

Sic tu, quam petimus, lævo gemis orba lacerto,

O *Vigorniacis* sacra Palæstra Choris * !

At reliquum ridet corpus : pulchræque nitenti

Flore juventutis cætera membra vigent. 830

Est tibi prætereà vastos prospectus in agros :

Lataque, sub muris, gramine prata virent.

* Worcester College.

Per vallem serpens sinuoso tramite Flumen

Egregium vitreis fluctibus illa rigat.

Insuper, Artis opus, præterlabente decoræ

835

Alluit ipsa Domûs septa canalis aquâ.

Et jam vela traham, nisi *Christi Ecclesia* nobis,

Ceû breve nunc superet trajicienda fretum.

Maçte animis tamen, et pauca observemus eundo.

Turris an antiquæ culmina trunca vides ?

840

Hanc circum, erecta est Custodia publica: fontes,

Et miseros gremio continet illa reos.

Non illos vexat, sed contrà humaniter omnes

Et fidus Custos, et benè mitis habet.

Quò verò deducit eos cum fuste satelles

845

Simplice? nempe Forum Municipale petunt.

Scis quàm justâ illíc librentur crimina lance ;

Nec mœstos tibi mens, sollicitosque sequi.

Tantum igitur rapido Prætoria lumine cerne :

Simplicia hæc oculis sunt, puto, grata tuis.

850

Lustrabis cursim pariter, quæ proxima Sedes

Obliquâ latitat *Pembrokiana* viâ.

Non iter est longum ; nec tecta subibimus : *Ædis*

Quamvis conspectu sit sacra digna tuo.
 At pectus res una, licet sit parvula, dulci 855
 Perfundet sensu, lætitiâque tuum*.
 Ostia magna Domûs suprà, scâlisque duabus,
 Adversûs Plateam, parva fenestra patet.
 Hâc tenuem accipiunt angusta cubicula lucem,
 Vixque valent vultu Solis et ore frui. 860
 Nam sævi gelidôs spectant Aquilonis ad ortus,
 Et Borææ duro frigore adusta rigent.
 Insuper, impendens capiti, campana canore
 Rauco aures lacerat, nocte dieque, tuas.
 Illic delituit multos inglorius annos, 865
 Incumbens studiis, ingéniumque colens,
 Ille vir, eloquio meruit qui deinde potenti
 Facundi Imperii sceptrâ tenere manu,
 Doctrinâ, scriptis, animo, virtutibus ingens,
 Æterna Anglorum gloria, *Johnsonius*. 870
 Græcus ut Orator luci, solioque Suadæ
 Fertur ab obscuro profiluisse Cavo.

* The room of the celebrated Johnson, once a member of Pembroke College.

Ast illustrem alium benè læta superbit Alumnum*

Nutrivisse sinu *Pembrokiana* Domus.

Ad summum hîc sacrorum apicem perduxit honorum 875

Doctrina, ingenium, vitæque sancta, Virum.

Præsul sede tuâ fulget, *Cantuaria*; et ille

Præmia virtuti nondum habet æqua suæ.

Verùm age: verte oculos: en *Christi Ecclesia*, cujus

Ad decus, heu! impar surgere Musa nequit. 880

Quæ Domus, ô Superi! frontis proh! quanta superbæ

Majestas! quantus corporis omnis honos!

Atria tu cùm tanta vides, palatia Regis

Splendida magnifici cernere nonne putas?

Aspice, ut, ipsa Domûs super ostia, nobilis alto 885

Arsurgit turris concamerata Polo.

Sub noctem, nonâ ipsâ horâ, cunctisque diebus,

Campana, è summo vertice, larga tonans,

Imperat horrifico, latè exaudita, boatu

Heu! miseros Juvenes præcipitare Domos. 890

Aula oculos spatium percellet visâ capaci,

Et formæ augustâ nobilitate suæ.

* His Grace the present Archbishop of Canterbury (Dr. John Moore), formerly a member of Pembroke College.

Terreus hanc surgit circùm undiquè nobilis Agger ;

Pars autem inferior gramine læta viret.

In medio, virgamque gerens, tectusque galero, 895

Mercurius vitreis arduus astat aquis.

Stridentes undas torquet de gurgite plumbum ;

Imber et undivomo fusus ab ore ruit.

Suspice nunc : tectis, summique crepidine muri,

Ut columellarum læta corona nitet ! 900

Quæcunque effulgent palatia magna per omnem

Italiam, egregio hoc condita more ferunt.

Talia tecta super, flores pendentibus hortis

Omnigenos quondam Urbs maxima vidit hians.

O quæ tot miseras, tam pulchræ dedecus Aulæ 905

Turpe, fenestellas claudet amica manus !

Si, de more novo, grandæque paresque fenestræ

Splendore illustrent Atria tanta suo :

Si regnent æquo positæ discrimine, necnon

Per tabulata ambo luceat ordo duplex ; 910

Non aliâ, credo, se se jactaverit ullâ

Justiùs Oxonii tota Palæstra Domo.

Si tibi, sic posita, haud placeat Cœnatio, mentem,

Vel primo aspectu, leniet illa tuam.

Ducit scala duplex : proh ! quantula, cernè, columna ! 915

Quàm lepida affurgit ! quàm levitate placet !

Sustinet, ingenti pendentia fornice, tecta,

Ceu Cœlos Atlas, viribus una suis.

Protindè hinc spatiosa subis Cornacula : nonne

Summâ oculos feriunt nobilitate tuos ? 920

Quàm benè consurgunt laquearibus alta superbis !

Quàm benè fulgenti luce corusca micant !

Sic tabulas oculis circum lustrare nitentes,

Inque bono positas lumine, quisque potest.

Quis frigere queat tanta ad spectacula ? quis non 925

Hæreat ore filens, obstupefactus, hians ?

Sì coeant centum, festa ad convivia, Reges,

Atria nulla sibi splendidiora velint.

Nec procul hinc Ædes astat primaria, quondam

Sanctis Virginibus, Cœnobitisque frequens*. 930

Illïc sunt etiam plures pictæ arte fenestræ ;

Et camera excelsi te juvat alta *Chori* ;

Sed quâ parte domum Boreæ penetrabile frigus

Exurit, nova nos atque superba trahunt.

Aspice : pulchra magis totam reperire per Urbem, 935

Quàm quæ objecta vides, atria nulla queas.

* Formerly a Convent of Nuns.

Quadratam insignemque Aulam præstantia, cernis,

Circumeunt formâ condita tecta pari.

Ædes nemo unquam majori condidit Arte;

Tanto respondent ordine cuncta sibi!

940

In mediâ quâcunque alâ, decora alta, columnas

Egregias magno surgere honore vides.

Candorem (insolitum! hîc) servant ita saxa priorem,

Atria ut è niveo marmore facta putes.

Credo, observasti quantum Ordo Corinthius ornet

945

Tecta asservandis ædificata libris.

Hæc properes, reliquis non inferiora, videre.

Occurrunt oculis atria longa tuis.

Suspice: coelata ut radiant laquearia! an ulla

His unquam cerni nobiliora queant?

950

Huc lectam, arboribus dives, *Norvegia* quercum

Misit; et arte manus sedula finxit opus.

Quanta tabellarum series! quàm splendida! muros

Sexcentæ effigies, pulchra tapeta, tegunt.

Hic et Parrhasius, magnusque videtur Apelles

955

Congessisse Artis tot monumenta suæ.

Nec statuæ defunt: hîc pulchro è marmore, *Locki*,

Expressa artifice stant tua signa Manu.

Sic Domus, ut studio juvenes accendat, Alumni

Egregii egregio nomen honore colit. 960

Sed totam tam multa diem præclara reposcant ;

Solque, nimis præceps, cogit abire Domo.

Eximiâ eximius nobis datur exitus Aulâ,

Per quas luce fores Sol oriente foveat.

Cernis ut excelsæ assurgunt, nitidæque columnis ? 965

Primum habet, Oxonii, Porta superba locum.

Tali olim Portâ, Capitolia ad alta, triumpho

Sublimem currum Victor agebat ovans.

Hinc *Oriellæas*, et *Christi-Corporis* Ædes,

Ædibus his nimum heu ! proxima tecta, petis. 970

Namque, licet niteant, Vicinia penè nitorem

Illis tanta suum, tamque propinqua, rapit,

Ut, si stent propius Palatia regia, partim

Amittit lepidum villa venusta decus.

At, si non æquè perstringunt lumina, quædam 975

Sunt in utrâque tamen conspicienda Domo.

In primâ occurrunt Coenacula læta Palæstrâ,

Quæis ducit multo Porticus alta gradu.

Prætereà frontem præbet formosa venustam

Vix structa utilibus Bibliotheca libris. 980

Sunt alii, oppositæ pratis viridantibus, *Ædes*

Quæ jucundâ oculos simplicitate trahunt.

Illa per, irriguo ridentia gramine, prata

Nos longum tandem conficiamus iter.

Nec *Mertonensis* coram occurrentia turris 985

Ipsa tuam sistunt culmina nota viam.

Nam tibi Diva suam ostendit jam *Magdala* turrim,

Cui, quamvis simili, gratia major inest.

Mater, pulchra quidem, sed paulò antiquior, illa est,

Contractumque annis jam ferè corpus habens; 990

Hæc est nata, micans primævo flore juventæ,

Atque levis retinens corporis omne decus.

Quin *Mertonenses* præ se, Divique *Joannis*

Horti aliquid parilis, consimilisque ferunt.

Horum illos jucunda putas compendia : ut arcto 995

Orbiculo ora viri picta tabella refert.

Ergo, non hortis, sacrâ non *Æde* retentus,

Continuò mecum prata propinqua petas.

Est tempus, totâ quo quisquis notus in Urbe,

Æstivo captat frigora amœna die. 1000

Hic ulmos inter, frondosa cacumina, cernis,

Se longum recto tramite pandit iter.

Surgere sublimes illas et jungere, curvi
 Fornicis in morem, brachia magna vides.
 Tam densis sub tegminibus tantâque sub umbrâ, 1005.
 Nunquam te rabidi læserit hora Canis.
 Cum verò, pulsus Phœbi fervoribus, aurâ
 Nunc Zephyrus recreet corpora cuncta suâ ;
 Circùm prata omnes, fluvialia littora circùm,
 Cerne per obliquas ire, redire vias. 1010
 Nos et idem teneamus iter ; variosque videbis
 Oxonii cultus, multiplicesque togas.
 Ordine pro vario hîc, vario pro munere, quisque
 Indutus variâ cernitur ire togâ.
 Una dies vix sufficiat, si nomina tantùm 1015
 Et varias species enumerare velim.
 Describam paucos igitur, quos fortè videbo
 Ferre pedem objectos, sive referre viros.
 Artifici crispata manu, quibus ampla tumescit
 Cæsaries, emptis ædificata comis ; 1020
 Quos, jam ætate graves, gressus componere lentos,
 Atque animo secum multa putare vides ;
 Hi sunt doctrinâque simul, meritoque vocati
 Doctores titulo, Gymnasiisve Duces.

Hos detecta caput, comisque juvena salutat ; 1025

Utque patres teneros obsequiosa colit.

Quæis sunt *Velveticæ* manicæ, decora alta : superbam

Quæis circùm currit purpura nigra Togam :

Qui solidis pollent ætatis viribus, atque

Undiquè folliciti lumina acuta ferunt ; 1030

Hi, rigido instructi Cenforum munere, curant

Servari mores, et data jura coli.

Nec labor hic gravis est ; adeò benè nata juvenus

Leges ritè sequi spontè volensque solet.

Serica quæis splendet vestis, quorumque galeros 1035

Quadratos, auro fulgidus, ornat apex ;

Hi magnum antiquâ ducunt ab origine nomen :

His centum illustres enumerantur Avi.

Sunt quos distinguit pariter Toga serica ; at alto

Nigra quibus tantùm vertice crista volat. 1040

Cum sint aut opibus clari, aut Natalibus, illos

Majoris Socios Ordinis indè vocant.

Quæis nec habet manicas, nec fulget serica, verùm

Texta è materiâ simpliciore toga est ;

Et gemina à tergo, prælongaque tænia pendet, 1045

Hos *Commensales* dicere quique solent.

Horum ingens numerus, studiique immensa cupido*:

Doctrinæ horum animis igneus ardet amor.

In genus hoc Juvenum Patria inclinata recumbit :

Difficile hos vitæ munus ad omne vocat. 1050

Hinc et Consultos Juris, Medicosque sagaces,

Rectoresque sacros, utile corpus, habet :

Sæpè et Pontifices fonte hoc trahit ubere : demùm

Hinc Defensores seligit illa suos.

Gentis in augusto quondam benè justa Senatu 1055

Pluribus, antiquo more, sedere dabit.

Illi ibi certabunt, Solii Legumque columnæ,

Afferere eloquio publica Jura suo :

Illi *Pittæos*, immortalesque secuti*

Burkæos, pariter nomen ad astra ferent. 1060

Quas juvat hîc meritas dare *Commensalibus*, illas

Jus æquum in laudes quisque *Scholaris* habet.

Huic toga materiam est similis, diversaque formam ;

Namque amplis manicis brachia amicta tument.

Cætera vix illis hic discrepat : æqua librorum 1065

Huic mentem torquet, laudis et æqua fitis.

* The Right Honorable William Pitt, Chancellor of the Exchequer, and Mr. Burke, both members of the House of Commons, and wonderful men for their eloquence, and love of their country.

Hic et, docta, tuas aut cogere, Græcia, gemmas
 Diligit, aut flores carpere, Roma, tuos ;
 Et cum nunc studii sub pectore ferveat idem
 Ardor, idem meritis tunc quoque munus erit. 1070
 Prætereo plures alios, quos, agmine longo,
 Indutos nigrâ veste, venire vides.
 Procedunt duo tresve simul, junctisq; lacertis ;
 Quod tibi amicitia pectora juncta probat:
 Altera sed rapiunt oculos spectacula : præter- 1075
 Labentem cernis, nobile Flumen, *Isim*.
 Antè *Tamæ* quàm jungat aquis socialibus undas,
 Reginæque Urbis mœnia celsa petat ;
 Oxonii lætis sub mœnibus ille videtur,
 Captus amore loci,nectere velle moras. 1080
 Idem gaudet aquas humili subvolvere ripâ,
 Egrediâ ut possit clariùs Urbe frui.
 Aspice, subjectas quot eunt redeuntque per undas
 Naviculæ ! fluctus quâ levitate secant !
 Non de plebe aliquis, sed Navita nobilis, ipse 1085
 Sedulus insolitâ dirigit arte ratem :
 Ipse gubernaculi, Palinuro major, habenas
 Fleclit, datque idem carbasa plena Notis.

Cerne et per vitreum quàm plurima cymbula Flumen,
 Uno remo, uno remige rapta, volet. 1090
 Scilicet à Juvene hìc Res Nautica discitur omni,
 Nautica Res, Patriæ firma columna suæ.
 Quisque hìc tantæ Artis, nullo auxiliante Magistro,
 Per ludi tempus, prima elementa rapit.
 Sic gremio heroas, belloque marique futuros 1095
Howæos, felix surgere cernit *Isis* *.
 Partem laudis habet, qui mollibus alluit undis
Cherwellus pariter florida prata suis.
 Hic à parte fluens Boreæ glacialis, *Ifæas*
 Amplificare suis fluctibus ardet aquas. 1100
 Non tibi depingam, quem cultum Civis honestus,
 Quem Matrona potens, Virgove clara gerit.
 Nam *Londinæos*, factò certamine, cultus
 Hìc Vir quisque sequi, Fœmina quæque studet.
 Talia dum memoro, nobis ille adfuit Hortus, 1105
 Aut raris plantis, utilibusve facer.
 Hunc portâ nitidâ, quam Doricus Ordo perornat,
 Et Vir construxit nomine notus, adis.

* Admiral Howe, justly entitled to immortality, for his glorious and complete victory over the French Fleet, the first of June, in the year 1794.

- Quinque agri insolitus circumdat jugera murus,
 Et magnas, intrà septa, recondit opes. 1110
 Quæque externa illïc, et rara arbuscula, quæque
 Solerti colitur planta aliena manu.
 Hæ vectæ ignitis, immensa per æquora, ab oris
 Mirantur gelidâ crescere posse plagâ.
 Omnis nec studio curatur planta minore 1115
 Indigena, areolâ quæque reposta suâ.
 Illinc, omnigenis medicamina idonea morbis,
 Vitales succos ducere cuique licet.
 Illa loca hîc rursûs jam conspicias, è quibus Urbem
 Egregiam circum coepimus ire simul. 1120
 Oxonium quot dives habet Monumenta, diei
 Unius spatîo, cernere penè datum est.
Aulas prætereà (sic dicunt nomine) quinque*
 Continet illustri docta Palæstra sinu.
 Parvula sunt illæ Collegia, quæ quoque Alumnos, 1125
 Leges, jura colunt, eximiosque Duces.
 Hinc indè illa latent, totam diffusa per Urbem;
 Atque ea visere nunc serior hora negat.
 At sat lucis adhuc, valeas ut, præpete cursu,
Heddingtonæum scandere molle jugum. 1130

* The Halls.

Hoc Hyemis, toto hoc Autumni tempore, quisque

Vere novo, ascensu hoc exsuperare solet.

Cernis, uti, facili demittens culmina clivo,

Colliculus gratum tramite præbet iter ?

Quàm pulchro, magnæ veteri hâc ex *Arbore famæ**, 1135

Pascere prospectu lumina acuta vales !

Oxonii hinc turres, saltus, collesque supini,

Fluminaque et valles, prataque vasta patent.

Hinc tu *Blenhemie* sublimia culmina Villæ†,

Culmina Romano Cæfare digna, vides. 1140

Hæc si fortè adeas, meritis ingentibus æqua

Magnanimæ Gentis Dona stupebis hians.

Nec procul egregiam Gens dudum *Harcurtia* Villam‡,

Gens centum Proavis nobilitata, colit :

Præclaris factis, virtutibus, atque fideli 1145

In Reges studio Gens benè nota suo.

At *Stowæ* quoque tecta, parùm distantia, visas§.

Mirè animum capiet Villa superba tuum.

* A famous Tree, called Joe Pullen's Tree, on the top of Heddington hill.

† Blenheim House, the Seat of the Duke of Marlborough.

‡ Newnham, the Seat of the Earl of Harcourt.

§ Stowe, the beautiful Seat of the Marquis and Marchioness of Buckingham, whose humanity, kindnesses and attention, towards 700
unfor-

Frontem magnificam, ferè regia limina, signa
 Rara, hortos, tabulas offeret illa tibi. 1150
 Pompa sed hæc omnis vanescet protinùs, ipsos
 Si Villæ Dominos fortè videre licet ;
 Si fortunatas claro cum Coniuge Sedes
 Illustris Coniux, Fœmina rara, beat.
 Egrediis Vir sæpè Potens ex ædibus omnem 1155
 Famam habet : hi Villæ sunt decus Ambo suæ.
 Affiduæ comites, examen nobile, cunctæ
 Virtutes circum semper utrumque volant.
 Hæ sunt nuper eos Regalia ad illa secutæ
 Atria, tot Gallis hospita tecta bonis. 1160
 Ambo mille illic Profugos, infanda relatu
 Pro sanctâ passos Relligione, foveant.
 Illic vulneribus Miserorum aspergere dulci
 Balsama blanda manu certat uterque Parens.
 Verùm hinc nos rapidi gressum referamus ; ut una 1165
 Res per iter cerni, te redeunte, queat.
 Est parva illa quidem, fateor, præclara nec inter,
 Quæ tu vidisti, tot Monumenta, micat.
 Sæpè autem, rutilis cum splendent floribus horti,

unfortunate French Clergymen, in the King's House at Winchester, are above all expression, and deserve an eternal gratitude from every good Frenchman, and from every friend to mankind.

- In mediis legitur flosculus ortus agris. 1170
 Lævâ nonne vides tenui confurgere in horto
 Ædiculam, muris candida tecta novis?
 Humanæ cernis signum immortale Salutis
 In summâ tecti fulgere fronte Crucem.
 Illâ, *Romanos* ritusque Fidemque secuti, 1175
 Pacifici cives Numen in Æde colunt.
 Illic, more suo, faciunt hi Sacra Tonanti;
 Proque bono certant fundere Rege preces.
 Illic insignis, magno ex Autore, tabella,
 Nempè suâ Christus, vix Cruce raptus, adest. 1180
 Qui sapiunt, dignam hanc præstanti laude tabellam,
 . Artis et egregiæ rarum opus esse putant.
 Aspice (si Christi valeas exangu e cadaver
 Cernere, et extincti membra cruenta Dei)
 Aspice, ut amisso livefcit sanguine corpus! 1185
 Ut clausa exanimâ lumina fronte latent!
 Ut cruor innumero manat de vulnere! acutis
 Vepribus ut circum tempora secta, fluit!
 Atra viden' toto lethi vestigia vultu
 Impressa, atque nigro lurida labra situ? 1190
 Et qui, ros veluti tenuissimus, humor aperto,
 Per gelidum pectus, spumeus ore pluit?

Si quis perspiciat tam lamentabile funus

Frigidus, atque oculis lachryma nulla cadat ;

Huic est, crede mihi, Mens robore durior ipso ; 1195

Æsque triplex circà ferrea Corda riget.

Verùm, hanc ne faustâ videas sub luce tabellam,

Jam densæ tenebræ, noxque inimica vetant.

Sed, quæ nunc te agitat præclara Cupido videndi,

Hanc alio poteris tu satiare die. 1200

Sint igitur satis hæc : longum trajecimus æquor ;

Et portum incolumis nostra Carina tenet.

At, cum dudùm avidus cupias cognoscere, quisnam

Ille tuæ fuerit Duxque Comesque viæ ;

Ne tibi ego forsàn videar præbere querelæ 1205

Ansam aliquam, paucis accipe : vera loquar.

Gallus ego, atroci Patriam sum Lege coactus

Heu ! fugere, atque animo dulcia quæque meo.

Anglica me duxit felix in littora Sydus ;

Et Stella Oxonium duxit amica magis. 1210

Anglorum de more, Manus, non una, benignè

Hic fovet exilii vulnera acerba mei.

Quid mirum ergo Anglo si pauca rependere ? ... verùm

Ædes ecce tuas, ecce Cubile. Vale.

FINIS.









